

լում գտնուող Սերբիայի Հանրապետության Հայկական ոչ մեծ գաղթօջախի պատմութեան գրաւոր էջերը հանրայնացնելու առումով: Անկասկած, հայերն այստեղ մշտապէս աչքի են ընկել իրենց բարձր դիրքով, արհեստագործական ու առեւտրային հմտութիւններով, մշակութային կապերի (նաեւ՝ գրաւոր մշակոյթի) լայն հնարաւորութիւններով: Պատահական չեն հայ եւ օտարազգի տեղադիրների նկարագրութիւններում անընդմէջ հանդի-

պող կառուցողական դրուագները, որոնք յաճախ բաւականին խօսուեն ու բնութագրական են համայնքի գոյութեան տարբեր փուլերը լուսաբանելու հարցում: Այսօր էլ Սերբիայում եւ, յատկապէս, Բելգրադում ապրում է շուրջ երեք հարիւր հայ: Չկորցնելով հայրենիքի հետ կապը՝ նրանք հնարաւորինս նպաստում են հայ-սերբական դարաւոր յարաբերութիւնների զարգացմանն ու ամրապնդմանը:

ՆՈՐ ՆԱԽԻՋԵՒԱՆԻ ՀԱՆԳՍՏԱՐԱՆԻ ՎԻՄԱԳՐԵՐԸ*

Արծ. Սահակեան, Ա. Մանուչարեան, Հ. Խաթամաջեան, Ս. Յարութիւնեան

Ակադեմիկոս Վլադիմիր Բարխուդարեանի պարզաբանմամբ՝ «Ռուսական կառավարութիւնը երկրի հարաւի գրեթէ ամբողջաբանակ տափաստանները բնակեցնելու, տնտեսապէս իւրացնելու եւ Ղրիմի թաթարական խանութիւնը թուլացնելու նպատակով 1778 թ. կազմակերպեց թերակղզու հայ եւ յոյն բնակչութեան արտագաղթ:

Ղրիմահայերը հաստատուեցին Դոն գետի աջ ափին, հիմնեցին Նոր Նախիջևեան քաղաքը եւ դրա շրջակայքում Չալթր, Թոփտի, Մեծ Սալա, Սուլթան Սալա, Նետուտա գիւղերը, իսկ յոյները հիմնեցին Մարիուպոլ քաղաքն՝ իր շրջակայքով:

Եկատերինա II կայսրուհու 1779 թ. նոյեմբերի 14-ի հրովարտակով հայերին մեծ արտոնութիւններ տրուեցին: Նրանք ստացան ընդարձակ հողատարածութիւններ, 10 տարով ազատուեցին հարկերից, նաեւ նրանց վերապահուեց ազատ առեւտրի ու արդիւնագործութեան իրաւունք:

Տնտեսական առանձնաշնորհումներից բացի, հայերը ստացան դաւանանքի ազատութիւն եւ ազգային սովորութիւնների ու աւանդոյթների հիման վրայ, մայրենի լեզուով դատավարութեան ու գործավարութեան իրաւունք, որն իրականացւում

էր «Աստրախանի» կամ «Հայոց դատատանագրքի» հիման վրայ»¹:

Ինչ վերաբերում է նորաստեղծ ամենամեծ հայկական բնակավայրին, ապա Սարգիս արքեպս. Զալալեանի իրազեկմամբ՝ «Զհիմն այսր քաղաքի օրհնեաց Յովսէփ ազգասէր կաթողիկոսն Արղութեանց մեծաւ հանդիսիւ, եւ անուանեաց Նոր Նախիջևեան»²: Անուան կապակցութեամբ Վ. Բարխուդարեանը յայտնում է, որ ուսումնասիրողների մի մասը, ելնելով այն հանգամանքից, թէ նոր վայրեր տեղափոխուածներն ամենուրեք աշխատում էին պահպանել նախկին հարազատ գիւղերի, վանքերի, եկեղեցիների անունները, եզրայանգել է՝ հայերը նորահաստատ քաղաքը Նախիջևեան են անուանել Ղրիմի համանուն հայկական բնակավայրի յիշատակին (վերջինս, անշուշտ, անուանակոչուել է ի պատիւ զրիմահայերի նախնեաց հայրենիք Անի-Շիրակի Նախճաւանի), ումանք էլ «նախնական իջեւան արտայայտութիւնից են քաղաքի անունը մակարեւրում: Առաւել հաւանական է թւում գերիշխող տեսակէտը, ըստ որի՝ զրիմահայերի նորահաստատ քաղաքը կոչուել է Արարատեան դաշտի հնագոյն քաղաքի՝ Նոյի տապանի աւանդութեան հետ կապուած Նախիջևեանի անունով»³:

1 Վ. Բարխուդարեան, Նոր Նախիջևեանի հայկական գաղութի պատմութիւն (1861-1917 թթ.), Երևան, 1985, էջ 5:
 2 Ծանապարհորդութիւն ի Մեծն Հայաստան, Աշխատասիրութեամբ Տեառն Սարգսի Սանաֆնեցույ Զալալեանց թեմակալ Արք. Եպիսկոպոսի Հայոց Վրաստանի, Իմէրէթի եւ այլոց, մասն Բ., Տփլիս, 1858, էջ 456-457:
 3 Վ. Բարխուդարեան, Նոր Նախիջևեանի հայկական գաղութի պատմութիւն (1779-1861 թթ.), Երևան, 1967, էջ 73-74:

* Սոյն աշխատանքը կատարուել է Նոր Նախիջևեանի հայոց համայնքի եւ Արա այլ էթնիկ միջավայրի հետ եղած կրօնամշակութային կապերին անուրում պատմաագագրական հետազոտութեան շրջանակում, որը ֆինանսատրուել է Ռուսաստանի հայոց թեմի առաջնորդարանի կողմից՝ ՀՀ Գիտակետկոմի միջոցով:

Շուտով Նոր Նախիջևեանում հիմնուեց Ս. Խաչ վանքը (1783-1792 թթ.)⁴ եւ քաղաքի տարբեր վայրերում կառուցեցին «զվեց եկեղեցիս (Ս. Գրիգոր Լուսաւորիչ՝ 1783-1807 թթ., Խնդրակատար Ս. Աստուածածին՝ 1781 թ., Ս. Գեւորգ 1783-1787 թթ., Ս. Նիկողայոս՝ 1781-1783 թթ., Ս. Համբարձում 1781-1783 թթ., Ս. Թէոդորոս՝ 1783-1786 թթ.)»⁵: Ապա Ռուսահայոց թեմի առաջնորդ Յովսէփ արքեպիսկոպոս Արղութեանը «սահմանեաց յամենայն եօթնեկի անխափան առնել զպատարագ՝ յիւրաքանչիւր եկեղեցիս մէն մի օր, իսկ յաւուր կիրակէի՝ ի բոլոր եկեղեցիս, եւ զօր պատարագի նշանակեաց տօն այնր եկեղեցւոյ, ուր պատարագն մատուցանի»⁷: Վերոյիշեալ սրբարաններից պահպանուել է միայն Ս. Խաչ վանքը, մնացած բոլոր վեց եկեղեցիները քանդուել են խորհրդային անաստուածութեան տարիներին:

Աւելի ուշ, մասնաւորապէս՝ 1875-1881 թթ., կառուցուեց Ս. Կարապետ եկեղեցին, որն օծուեց աւարտման տարեթուի յունիսի 11-ին: Ցարդ կանգուն ու գործող այս փոքրիկ աղօթարանը տեղացիները կոչում են նաեւ «հանգստարանի եկեղեցի»⁸, որովհետեւ, ինչպէս բացատրում է Երուանդ Շահազիզը, «չինուած է քաղաքի հիւսիսային կողմը շինութիւններից դուրս գտնուած «Ս. Լուսաւորչի հանգստարանում»: Նախիջևեանի բոլոր եկեղեցիներն էլ ունին իւրեանց առանձին հանգստարաններն, միայն Ս. Լուսաւորչին է, որ իւր բակում հանգստարան չունի (ի տարբերութիւն միւսների, գտնուել է քաղաքի

4 Տե՛ս «Դիւան Քայ վիմագրութեան», պրակ VIII, Ռուսաստանի Դաշնութիւն, աշխատասիրութեամբ՝ Գ. Գրիգորեանի, Երեւան, 1999, էջ 134 (Այսուհետեւ՝ «Դիւան», պր. VIII եւ էջը):
5 Տե՛ս Առյճ տեղում, էջ 134-149:
6 Ժամապարհորդութիւն ի Մեծմ Հայաստան, մասն Բ., էջ 457:
7 Նոյն տեղում:
8 Տե՛ս «Դիւան», պր. VIII, էջ 150:

կենտրոնում⁹, որտեղ որպէս կանոն բնակուածութիւնը խիտ է լինում – հեղ.), եւ Ս. Թորոսն (իմա՝ Ս. Թէոդորոսն – հեղ.) ու Համբարձումն, որոնք, բացի իւրեանց բակերում ունեցած հանգստարաններից, ունին եւ մի առանձին հանգստարան դարձեալ քաղաքի հիւսիսային կողմում, շինութիւններից դուրս: Ս. Լուսաւորչի հանգստարանն այժմ համարուում է քաղաքի ընդհանուր հանգստարան, որովհետեւ եկեղեցիների բակերում գտնուած հին գերեզմանոցներում արդէն արգելուած է մեռեալ թաղելու»¹⁰:

Ս. Կարապետ եկեղեցին գտնուում է Նոր Նախիջևեանի հայկական գերեզմանոցի երկայնական առանցքում՝ արեւելեան պարսպի մօտ, եւ հարաւային շքամուտքով ուղղորդուած է դէպի հանգստարանի մուտքի դարպասները, ինչպէս տեղորոշում է ճարտարապետ Յովհաննէս Խալփախչեանը¹¹: Է. Շահազիզի բնորոշմամբ՝ «Ս. Կարապետի փոքրիկ գողտրիկ շինութիւնը, միակն է քաղաքի բոլոր եկեղեցիների մէջ, որ կառուցուած է հայկական ոճով, ինչպէս որ միակն է իւր շինութեան հայկական ոճով բոլոր գիւղերի մէջ Թօփտիի Ս. Փրկիչը»¹²:

Հ. Խալփախչեանի նկարագրութեամբ՝ Պետերբուրգի Գեղարուեստի ակադեմիայի ճարտարապետ Վ. Հազիրբեկեանի նախագծով ու Նոր Նախիջևեան քաղաքի ճարտարապետ Վ. Սազոնովի ղեկավարութեամբ կառուցուած Ս. Կարապետ եկեղեցին պատկանում է Հայաստանում տարածուած խաչաձեւ գմբեթաւոր շինութիւնների տեսակին՝ ներքուստ խաչի թեւերի միջեւ կառուցուած սենեակներով, որոնք ուղղան-

9 Տե՛ս Առյճ տեղում, էջ 141:
10 Ե. Շահազիզ, Նոր-Նախիջևեանը եւ Աոր-Ապիսիջեանցիք, Թիֆլիս, 1903, էջ 65:
11 Տե՛ս Օ. Խալպաչեան, Архитектура Нахичевани-на-Дону, Ереван, 1988, էջ 88 (այսուհետեւ՝ Հ. Խալփախչեան, Աշ. աշխ.):
12 Ե. Շահազիզ, Առյճ տեղում:

կիւն յատակագծի յաւելումներ են, սակայն Աւագ խորանը ոչ թէ կիսաշրջանաձեւ է, այլ՝ ուղղանկիւն¹³: Կառուցի արտաքին գունային ձեւաւորման մէջ աչքի է ընկնում խոշոր տրամատային սպիտակաքարի մանրամասների ներդաշնակ համադրութիւնը կարմիր աղիւսի շարուածքին¹⁴: Գմբեթի թմբուկն արտաքուստ տասներկու նիստանի է, ինչը խորհրդանշում է Յիսուս Քրիստոսի առաքեալներին: Արեւմտեան ճակատի կամարակապ խոր խորշապատչգամբի առկայութիւնը, Հ. Խալփախչեանի տեսակէտով, եզակի երեւոյթ է հայկական եկեղեցական ճարտարապետութեան մէջ ոչ միայն նորնախիջևեանեան գաղթօջախում, այլեւ Հայաստանում¹⁵: Դա եկեղեցուն հաղորդում է իւրայատուկ ճարտարապետական տեսք, ինչպէս որ ներսի խճանկարաւոր յատակն ու հիւսիսային պատի մօտ կանգնեցուած Ղրիմից բերուած վաղմիջնադարեան խաչքարը, որի հնութեան վկայութիւնները ներքեւում խաչաքանդակի ոճն է եւ վերեւում շրջանի մէջ ներառուած հաւասարաթեւ խաչը¹⁶:

Ս. Կարապետ եկեղեցին շրջապատի գերեզմանատան հետ կազմում է մէկ ամբողջական յուշահամալիր, որտեղ թաղուած են Նոր Նախիջևեանի նշանաւոր գործիչներ: Ըստ Հ. Խալփախչեանի՝ գերեզմանատունը կարգաւորուել է յատակագծով, որը ձեւաւորել է ուղիղ անկեամբ տրամախաչուող ծառուղիների ցանց, որոնցից գլխաւորը արեւմտեան դարպասներից առաջնորդում է դէպի եկեղեցու դռները, իսկ նրա հետ զուգահեռ անցնող ու ուղղահայեաց հատող երկրորդականները գերեզմանոցը բաժանում են քառակուսիների, մասերի, որոնք պատկանում են առանձին ընտանիքների... ԺԹ. դ. վերջերից դրանք սկսել են պատել մետաղեայ ցանկապատներ


13 Տե՛ս Հ. Խալփախչեան, Աշ. աշխ., էջ 90:
14 Տե՛ս Առյճ տեղում, էջ 92:
15 Տե՛ս Առյճ տեղում:
16 Տե՛ս Առյճ տեղում:

րով, որոնց գեղարուեստական ձեւերը ժամանակ առ ժամանակ փոխուել են... Թաղման վայրերում սովորաբար բարձրացուել են թմբիկներ, եզակի դէպքերում դրուել են տապանքարեր՝ սայաձեւ կամ հարթ դադաղաձեւ, որոնց վրայ երբեմն արուել են քանդակներ, փորագրուել արձանագրութիւններ՝ հայերէն եւ ռուսերէն¹⁷:

Երբեմն էլ դրուել են իւրօրինակ յորինուածքով կոթողներ՝ պատրաստուած բնական քարից:

Ի տարբերութիւն Դոնի աւազանի հայկական գիւղերի գերեզմանոցների շիրմաքարերի, Նոր Նախիջևեանի Հանգստարանի մահարձանների մէջ հանդիպում ենք բարձարուեստ կոթողների, տպաւորիչ դամբարանների՝ կերտուած սեւ, սպիտակ մարմարից, գորշ, կարմրաւուն գրանիտից: Քիչ չեն տարբեր քարերի ու գոյների ներդաշնակ համադրութեամբ խոյացող յուշարձանները:

1. Մահարձան, եկեղեցուց դէպի հարաւ-արեւմուտք, գորշաւուն քարից, 4 տող.



ԳՅԵԱՆԷ / ՅԱՐՈՒԹԻՒՆԵԱՆ / ԹՈՒՄՈՒՆԵԱՆ / 1845-1886:

2. Նոյն մահարձանի արեւմտեան երեսին՝ 3 տող.

ԱՐՈՒԹԻՒՆ / ԹՈՒՄՈՒՆԵԱՆ / 1831-1908:

3. Մահարձան, գրանիտէ, նախորդի կողքին, արեւմտեան երեսին՝ ռուսերէն, 6 տող.

17 Տե՛ս Առյճ տեղում, էջ 92-93:

АННА КАРПОВНА
ХАЗИЗОВА
СМОНЧ. 17 ІЮНЯ 1877 Г
24 28 ЛԵՏԻ
МИРЬ ПРАХУ ТВОЕМУ
ДОРОГАЯ ЛЮБЯЩАЯ СЕСТРИЦА!

АННА КАРПОВНА / ХАЗИЗОВА, / СМОНЧ.
17 ІЮНЯ 1877 Г. / 24 -ХЬ ЛЕЪТЬ. /
МИРЬ ПРАХУ ТВОЕМУ / ДОРОГАЯ
ЛЮБЯЩАЯ СЕСТРИЦА!

4. Նոյն մահարձանի հիւսիսային երե-
սին, վերնամասում, 3 տող.

ИВАНЪ ХРИСТОФОРИЧЪ
ХАЗИЗОВЪ
54 28 ЛԵՏԻ
АВАТИНОВ
ГРИГОРИЙ АРТЕМЬЕВИЧ
1873 - 1939

ИВАНЪ ХРИСТОФОРИЧЪ / ХАЗИЗОВЪ /
54-ХЬ ЛԵՏԻ.

5. Նախորդ յիշատակագրութեան ան-
միջապէս ներքեւում, 3 տող.

АВАТИНОВ / ГРИГОРИЙ АРТЕМЬЕВИЧ
/ 1873-1939.

6. Նոյն մահարձանի հարաւային
երեսին՝ 3 տող.

ИХЪ ДОЧЬ
МАНЯ
4 28 ЛԵՏԻ

ИХЪ ДОЧЬ / МАНЯ / 4-ХЬ ЛԵՏԻ.

7. Նոյն մահարձանի արեւելեան երե-
սին, վերնամասում, 3 տող.

АВАТИНОВА
СОФЬЯ ХРИСТОФОРОВНА
73 ЛЕТ.

АВАТИНОВА / СОФЬЯ
ХРИСТОФОРОВНА / 73 ЛЕТ.

8. Ներքնամասում՝ 5 տող.

ДОКТОР
АВАТИНЯН А. Г.
1898-1966

ДОРОГОМУ НЕОЦЕНИМОМУ ЛЮБИМОМУ
ОТ ЖЕНЫ, ДЕТЕЙ И ВНУКОВ.

ДОКТОР / АВАТИНЯН А. Г. / 1898-1966 /
ДОРОГОМУ НЕОЦЕНИМОМУ
ЛЮБИМОМУ / ОТ ЖЕНЫ, ДЕТЕЙ И
ВНУКОВ.

Ճիշտ է, այս վերջինս նոր է, սակայն
տեղադրում ենք յուշարձանի արձանա-
գրութիւնների ամբողջացման նպատակով:

Այսպիսով, տեսնում ենք, որ միեւնոյն
կոթողի չորս կողմերին կան երկու տոհմե-
րի ննջեցեալների մակագրութիւններ:
Դրանցից մակաբերում ենք հետեւեալը. Ի-
ւան Քրիստափորովիչ Խազիզովը եւ Աննա
Կարպովնա Խազիզովան ամուսիններ են,
4-ամեայ Մանեան նրանց դուստրն է: Երկ-
րորդ տոհմն սկսւում է Սոֆիայով: Նա Ի-
ւան Խազիզովի քոյրն է, ինչը յուշում է
նրանց ընդհանուր հայրանունը՝ Քրիստա-
փոր: Սոֆիան կնութեան է գնացել Գրի-
գոր Աւատինեանը, ինչն ակնբախ է
վերջինիս հայրանունն Մտաթից՝ Գրիգոր:

9. Մահարձան, գրանիտից, թեքուած,
արեւմտեան երեսին, ուղեւերէն, 5 տող.

ЗДѢСЬ ПОКОИТСЯ ПРАХЪ
ИВАНА НИКИТИЧА
ХАЗИЗОВА
СМОНЧАВШАГОСЯ 6 МАРТА
1903 Г. НА 35 ГОДУ

ЗДѢСЬ ПОКОИТСЯ ПРАХЪ / ИВАНА
НИКИТИЧА / ХАЗИЗОВА /
СМОНЧАВШАГОСЯ 6 МАРТА / 1903 Г. НА
35 ГОДУ.

10. Նոյնի պատուանդանի ներքեւում,
2 տող.

С. А. ТОННИТО
РОСТОВЪ И [А] Д[ОНУ].

С. А. ТОННИТО, / РОСТОВЪ И [А] Д[ОНУ].

Ս. Ա. Տոնիտոն հաւանաբար մահար-
ձանը կերտող վարպետն է:

11. Նոյն մահարձանի արեւելեան ե-
րեսին, 2 տող.

ՅՈՒՀԱՆԼԵՍ / ՍԿՐՏՉԵԱՆ / ԽԱԶԻԶԵԱՆ:

12. Յուշաքար, փոքր, գրանիտից, թե-
քուած մահարձանի կողքին, 5 տող.

ЗДѢСЬ ПОКОИТСЯ ПРАХЪ
ЕЛИЗАВЕТЫ ЯКОВЛЕВНЫ
ХАЗИЗОВОИ

СМОНЧАВШЕЙСЯ 16 НОЯБРЯ
1896 Г. НА 56 ГОДУ

ЗДѢСЬ ПОКОИТСЯ ПРАХЪ /
ЕЛИЗАВЕТЫ ЯКОВЛЕВНЫ / ХАЗИЗОВОИ
/ СМОНЧАВШЕЙСЯ 16 НОЯБРЯ / 1896 Г.,
НА 56 ГОДУ.

Ելիզաւետան, հնարաւոր է, Իւան Նի-
կիտիչ Խազիզովի (Յովհաննէս Մկրտչեան
Խազիզեանի) մայրը լինի. նրանց միջեւ
կայ 28 տարուայ տարբերութիւն:


Խազիզեանները Նոր Նախիջեւանի
նշանաւոր տոհմերից էին: Այդ գերզա-
տանից երկուսը եղել են Նոր Նախիջեւանի
քաղաքագլուխներ.

Պետրոս Խազեզեան՝ 1800-1802 թթ.

Կարապետ Խազեզեան՝ 1803-1805
թթ.¹⁸:

Իսկ մտաւորապէս նոյն ժամանակնե-
րում նրանց ազգական Օվանէս Խազիզէն
Նոր Նախիջեւանի Հայոց հոգեւոր դատա-
րանի Երկրորդ դատաւորն էր¹⁹: Յիշեալ
դատարանը կազմաւորուել էր 1781 թ.²⁰:

13. Տապանաքար, դադաղաձեւ, սպի-
տակ մարմարից, չորս միանման շիրմաքա-
րերից հարաւայինը, երկլեզու, եղծուած, 15
տող.



18 Տե՛ս Վ. Բարխուդարեան, Նոր Նախիջեւանի
հայկական գաղութի պատմութիւն (1779-1861
թթ.), էջ 454:
19 Տե՛ս Ե. Ծանազիզ, Պատմական պատկերներ,
Թիֆլիս, 1903, էջ 159:
20 Տե՛ս Արմ տեղում, էջ 141:

ГЛУС ЗУЛ ԴԶԻ ՄԱՐՄԻՆ ՊԱՏՈՒԿՈՐ / ՔԱՂԱՔԱՅԻ / ՅԱԿՈՎԲ ՄԱՏԹԵՆՍԻ / ԽԸԼԸԹԶԵԱՆԻ / ԾՆՈՒԾ Է 1828 Թ. ԴԵԿՏԵՄԲԵՐԻՆ / ՎԱԽՃԱՆՈՒԾ Է 1868 Թ. / ՓԵՏՐՈՒԿԻ 13-ին: ЗДѢСЬ ПОКОИТСЯ / ТЪЛО / ПОТОМСТВЕННАГО ПОЧЕТНАГО / ГРАЖДАНИНА / ЯКОВА МАТВѢВИЧА / ХЛЫТЧИЕВА / РОДИЛСЯ ВЪ ДЕКАБРѢ 1828 ГОДА / СКОНЧАЛСЯ 13 ФЕВРАЛЯ 1868 ГОДА.

Միւս երեք տապանաքարերին արձանազրութիւններ չկան. կարծես թէ ջնջուած են:

Խլթճեաններն իրենց ներդրումն են ունեցել գաղթօջախի զարգացման, կրթական գործում, բարեգործական հարցերում: Մասնաւորապէս, 1859 թ. մի խումբ նախիջեանցիներ, այդ թւում նաեւ՝ Հ. Խլթճեանը, «գիմում են Նոր Նախիջեանի եւ Բեսարաբիայի թեմի առաջնորդ Գ. Այվազեանին եւ խնդրում Ս. Խաչ աւանում բացել հայկական դպրոց»²¹:

Վաճառական Խլտճիեւը եղել է 1868 թ. Դոնի Ռոստով եւ Նոր Նախիջեան քաղաքների միաւորման դէմ տեղի հայութեան ընդդիմադիր շարժման առաջնորդներից մէկը²²:


1899 թ. քաղաքային դումայի ճայնաւոր Մ. Խլտճիեւի առաջարկով Նոր Նախիջեանում ստեղծուել է յատուկ յանձնաժողով՝ ոռոս մեծ պոէտ Ա. Պուշկինի ծննդեան 100-ամեայ յոբելեանը յաւուր պատշաճի նշելու նպատակով²³:

1903 թ. Մ. Խլտճեանը հարց է բարձրացրել պատուիրակութիւն ուղարկել Հնդկաստան կարկաթահայ մեծահարուստ Մասեհ Բաբաջանեանի կտակի հարցով, որի կէսը 1861-1862 թթ. ստացել էր նախի-


21 Վ. Բարխուդարեան, Նոր Նախիջեանի հայկական գաղութի պատմութիւն (1861-1917 թթ.), էջ 273:
22 Տե՛ս Առյճ տեղում, էջ 19-20, տողատակ:
23 Տե՛ս Առյճ տեղում, էջ 181-182:

ջեանահայութեան պատուիրակ՝ հայ մեծ բանաստեղծ Միքայէլ Նալբանդեանը²⁴:

Ուշադրութեան է արժանի փաստը, որ Յակոբ Խլթճեանը ցարական կառավարութեան կողմից պատուի է արժանացել «տոհմական պատուաւոր քաղաքացի» կոչումով, որի յիշատակազրութեան հայերէն տարբերակում բացակայում է «տոհմական» բառը: Դրանով, ինչպէս յետոյ կը տեսնենք, աւելի արտոնեալ կարգավիճակ էր տրուում, քան սոսկ «պատուաւոր քաղաքացի» տիտղոսի պարագայում:



14. Մահարձան, գրանիտից, պատուանդանի արեւելեան երեսին, 7 տող.



ՍԵՐՈՎԲԵ ԽԱՉԱՏՐԵԱՆ / ՅԱՐՈՒԹԻՒՆԵԱՆ / ԾՆԵԱԼ 2 ՕԳՈՍՏՈՍԻ 1846 Թ. / ՎԱԽՃԱՆԵԱԼ 11 ՄԱՐՏԻ 1911

24 Տե՛ս Առյճ տեղում, էջ 166:

Թ. / 65 ԱՄԱՑ ՀԱՍԱԿԻ: / ԱՈՐ / ՆԱԽԻՋԵԱՆԻ ՔԱՂԱՔԱՅԻՆ / ՎԱՐՉՈՒԹԵԼԵՆ ԴՐՈՒԾ Է ԱՐՁԱՆԱ:

15. Նոյնի մահարձանի պատուանդանի՝ արդէն արեւմտեան երեսին, ոռուերէն, 8 տող.

ГЛАВНОМУ ГОРОДСКОЙ ДУМЫ / И / ГОРОДСКОМУ СЕКРЕТАРЮ / СЕРАФИМУ ХРИСТОФОРОВИЧУ / АРУТЮНОВУ / БЛАГОДАРНОЕ / НАХИЧЕВАНСКОЕ НА ДОНУ ГОРОДСКОЕ / ОБЩЕСТВЕННОЕ УПРАВЛЕНИЕ.

Երկկեզուեան արձանազրութիւնից իմանում ենք, որ Սերովբէ Յարութիւնեանը եղել է Նոր Նախիջեանի դումայի (խորհրդարանի) քարտուղար: Դուման, որ արձանազրութեան հայերէն տարբերակում կոչուում է քաղաքային վարչութիւն, Վ. Բարխուդարեանի պարզաբանմամբ կեանքի է կոչուել 1870 թ.: փոխարինելով տակաւին Ժ. Գ. վերջերին Դոնի հայկական գաղութում սկզբնաւորուած ինքնավար ղեկավար մարմին՝ մագիստրատին: Այն բաղկացած էր 24 հոգաբարձուներից, որոնք ընտրուում էին երեք տարի ժամկէտով²⁵: Իսկ նորաստեղծ դումայի անդամներն ընտրուում էին քառամեայ ժամանակով²⁶:

Ուշադրութեան արժանի է փաստը, որ Նոր Նախիջեանը ոռուերէն տարբերակում կոչուում է Դոնի Նախիջեան, հաւանաբար հարեւանութեամբ գտնուող Դոնի Ռոստովի նմանակութեամբ: Վ. Բարխուդարեանն այս կապակցութեամբ յայտնում է ուշադրաւ տեղեկութիւններ, որոնցից իմանում ենք, որ Դոնի աւազանում հայերի հիմնած քաղաքն սկզբում կոչուել է պարզապէս Նախիջեան, ինչպէս նշել ենք աւելի վաղ: Ահա, «1838 թ. Նովորոսիայի եւ

25 Տե՛ս Վ. Բարխուդարեան, Նոր Նախիջեանի հայկական գաղութի պատմութիւն (1779-1861 թթ.), էջ 80, Առյճ, Նոր Նախիջեանի հայկական գաղութի պատմութիւն (1861-1917 թթ.), էջ 39:
26 Տե՛ս Առյճ տեղում, էջ 38:

Բեսարաբիայի գեներալ նահանգապետ Մ. Ս. Վորոնցովը զեկուցագիր է ներկայացնում պետական սենատ այն մասին, որ հայկական երկու քաղաքների անունների նոյնութեան հետեւանքով շփոթուում են գրազրութիւնները, անգամ կալանաւորներն ուղարկուում սխալ հասցէով եւ տեղիք տալիս բազում թիւրիմացութիւնների: Նոյն թուականի փետրուարի 15-ին սենատը որոշում է Տազանրոզի քաղաքապետութեան (градоначальство) վարչութեան ենթակայութեան մէջ գտնուող քաղաքը այսուհետեւ կոչել Դոնի Նախիջեան կամ Նոր Նախիջեան, իսկ հայկական մարզի քաղաքը ուղղակի՝ Նախիջեան»²⁷:

Սերովբէ Յարութիւնեանին լաւագոյնս ներկայացնում է Վ. Բարխուդարեանը. «Նախնական կրթութիւնը ստանալով Նոր Նախիջեանում, ապա սովորելով Թէոդոսիայի Խալիբեան վարժարանում Ս. Յարութիւնեանը ուսումը շարունակում եւ աւարտում է Մոսկուայի համալսարանը: Երկու տարի Մոսկուայում եւ Պետերբուրգում իրաւաբանութեամբ զբաղուելուց յետոյ, 1873 թ. վերադառնում է հայրենի քաղաքը: Շուտով նա դառնում է գաղութի նշանաւոր հասարակական գործիչներից մէկը»²⁸:

1880 թ. Ս. Յարութիւնեանը եղել է քաղաքային խորհրդարանի ատենադպիրը եւ Ռ. Պատկանեանի համախոհներից մէկը Նոր Նախիջեանում արհեստաւորական դպրոց հիմնելու գործում²⁹:

1887 թ. քաղաքային դումայի մի խումբ ճայնաւորներ, որոնց թւում եւ Սերովբէ Յարութիւնեանը, դիմում են Նոր Նախիջեանի խորհրդարանակերանոց

27 Վ. Բարխուդարեան, Նոր Նախիջեանի հայկական գաղութի պատմութիւն (1779-1861 թթ.), էջ 74, տողատակ:
28 Վ. Բարխուդարեան, Նոր Նախիջեանի հայկական գաղութի պատմութիւն (1861-1917 թթ.), էջ 324:
29 Տե՛ս Առյճ տեղում, էջ 278:

Հիմնադրելու խնդրանքով³⁰, ինչն իրականացում է 1891 թ.: Անկեղանոցը, որտեղ տարբեր տարիներին խնամուել են մինչև 60-80 հարազատներ չունեցող, անխնամ, հաշմանդամ, ծերացած ու ուժասպառ մարդիկ, գործել է հենց Ս. Կարապետ եկեղեցու բակում³¹:

1891 թ., ինչպես պարզաբանում է Վ. Բարխուդարեանը, «Ս. Յարութիւնեանը գնում է Ռոստովում հրատարակող «Դոնսկոյէ պոլէ» թերթի հրատարակութեան իրաւունքը, այն վերանունում «Պրիազովսկի կրայ» եւ սկսում լոյս ընծայել ընդարձակ ծրագրով: Կարճ ժամանակում թերթը լայն ընդունելութիւն է գտնում եւ լաւ անուն վաստակում... Ս. Յարութիւնեանը մինչև իր կեանքի վերջը՝ 1911 թ. թերթի անփոփոխ խմբագիրն էր»³²:


1890-ական թթ. Ս. Յարութիւնեանն իր նպաստն է բերել Նոր Նախիջեւանում բարձրագոյն ուսումնական հաստատութիւն՝ գիմնազիա բացելու գործում³³: Նա մեծ ներդրում ունի նաեւ հայրենի քաղաքում Գոգոյեան իգական դպրոցի կեանքի կոչման հարցում³⁴:

1901 թ. քաղաքային դուման Նոր Նախիջեւանում էլեկտրական տրամուայ կառուցելու մասին դրական վճիռ է ընդունում եւ առանձնացնում հինգ հոգուց բաղկացած յանձնաժողով, որի կազմում էր նաեւ Ս. Յարութիւնեանը³⁵:

Մէջբերուած վկայութիւններից երեւում է, որ Սերովբէ Յարութիւնեանն իր կեանքը նուիրել է Նոր Նախիջեւանի բարգաւաճմանը, կրթական, բարեգործական հաստատութիւնների հիմնադրմանը:


30 Տե՛ս Առյճ տեղում, էջ 163:
31 Տե՛ս Առյճ տեղում, էջ 163-164:
32 Նոյն տեղում, էջ 324:
33 Տե՛ս Առյճ տեղում, էջ 302:
34 Տե՛ս Առյճ տեղում, էջ 303, 324:
35 Տե՛ս Առյճ տեղում, էջ 57:

16. Յուշաքար՝ ամրացուած մահարձանին՝ իրար վրայ դրուած քարերի տեսքով, հիւսիսային երեսին, 4 տող.



ՄԱՆՈՒԿ ԽԱԶԵՐԵԱՆԵԱՆ / ԱԼԱԾԱԼԵԱՆ, / 1798 ՄԱՐՏԻ 1, / 1868 ՍԵՊՏԵՄԲԵՐԻ 22:

17. Յուշաքար՝ ամրացուած նոյն մահարձանի հարաւային երեսին, 4 տող.



ԽՍԿՈՒԳԻ ՅՈԿՅԱԼԵԱՆՄԵԱՆ / ԱԼԱԾԱԼԵԱՆ, / 1814 ՅՈՒՆԻՍԻ 4, / 1888 ՓԵՏՐՈՒՄԻ 12:

Մանուկ եւ Իսկուհի Ալաջալեանները, թերեւս, ամուսիններ են: Մանուկ Ալաջալեանը եղել է վաճառական, Նոր Նախիջեւանում ունեցել է ծխախոտի ֆաբրիկա³⁶: Նա 1854-1856 թթ. Նոր Նախիջեւանի քաղաքապետն էր: Վ. Բարխուդարեանի պրպտմամբ՝ Ղրիմի պատերազմում (1853-1856) «ռազմական գործողութիւններ ծաւալելու հենց առաջին ամիսներին՝ 1854 թ. յունուարի 20-ին Մ. Ալաջալովի նախագահութեամբ հաւաքուելով ժողովի, հայկական զիւղերը բանակին օգնելու պատրաստակամութիւն են յայտնում եւ դրամական

36 Տե՛ս Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 250:

նուիրատուութիւն կատարում»³⁷: Նոյն 1854 թ. քաղաքապետ Մանուկ Ալաջալեանը յայտարարութիւն է տարածում, որ պատրաստ է ունեցուածքից եւ օթեւանից զրկուած զինուորական հրամանատարութեան ու պաշտօնեաների ընտանիքները մինչև պատերազմի վերջը պահելու³⁸, եւ որ Նոր Նախիջեւանի բնակիչներն արդէն ապացուցել են իրենց նուիրուածութիւնը կայսրին ու հայրենիքին³⁹: Ռուսական կառավարութիւնը բարձր գնահատեց հայերի նուիրուածութիւնը: Վ. Բարխուդարեանի տեղեկացմամբ՝ Դոնի զօրքերի ատաման, գեներալ-լէյտենանտ Խուճարովը յայտնում է պարոն ռազմական մինիստրին Մ. Ալաջալովի եւ Նախիջեւանի բնակիչների ցուցաբերած շքեմութեան մասին, որոնք օգնել են բազմաթիւ յոյն ընտանիքների: Դրա համար Նոր Նախիջեւանի հայերն արժանացել են Ալեքսանդր II կայսրի (1855-1881) շնորհակալութեան, իսկ քաղաքը պարգևատրուել է «Ջանասիրութեան համար» ոսկէ մեդալով եւ վլադիմիրեան ժապաւէնով⁴⁰:

Ե. Շահազիզը յայտնում է, որ Դոնի աւազան ներգաղթած հայերը Ղրիմի եկեղեցիներից հաւաքուած ու Նախիջեւան բերուած եկեղեցական իրերը տեղի եւ դիւղերի նորակառույց եկեղեցիներին բաժանելուց յետոյ, մնացած մասը՝ հինգ արկղերի մէջ, կնքելով, դնում են Մազիստրատի պահարանում, մինչև որ Մանուկ Ալաջալեանի քաղաքապետութեան օրով դրանք տեղափոխում են Ս. Լուսաւորիչ եկեղեցի⁴¹:

Ալաջալեան գերդաստանին էր հարսնացել մեծ բարեգործուհի, տիկին Ակուլինիան: Նրա մարմարակերտ շիրմաքարին (հիմա չկայ) ժամանակին ընթերցուել է.

37 Նոյն տեղում, էջ 316:
38 Տե՛ս Առյճ տեղում, էջ 321:
39 Տե՛ս Առյճ տեղում, էջ 322:
40 Տե՛ս Առյճ տեղում:
41 Տե՛ս Ե. Ծախազիզ, Պատմական պատկերներ, էջ 183:

18. ԱՍՏ ՀԱՆԳՉԻ ՄԱՐՄԻՆ ԱԶՆԻՒ ՏԻԿՆՈՉ ԱԿՈՒԼԻՆԵԱՅ ԴՈՂՈՍԵԱՆ ԱԼԱԾԱԼԵԱՆ, ՈՐ Ի ՏՈՅՍԵ ԽԱԹՐԱՆԵԱՆ, ԿԱԽՃԱԼԵԱՆՈՅ 3 ՍԵՊ. 1871 ԱՄԻ, Ի ՀԱՍԿԻ 62 ԱՄԱՑ⁴²:

Ակուլինիա Ալաջալեանի կտակի համաձայն ու նիւթական միջոցներով են կառուցուել հանգստարանի եկեղեցին, աղքատանոցն ու հոգեստունը: Այդ մասին գրուած է եղել նոյն կոթողի հակառակ կողմին.

19. ՇԻՆՈՒԾՔՍ ԵԿԵՂԵՑՄՈՅ Ս. ՅՈԿՅԱԼԵԱՆՈՒ-ԿԱՐԱՊԵՏԻ, ՀՈԳԵՏԱՆ ԵՒ ԱՂՔԱՏԱՆՈՅԻ ՆՈՐԻՆ ԿԱԳԼԵՑԱԲ ԸՍՏ ԿՏԱԿԻ ՀԱՆԳՈՒՑԵԱԼ ՏԻԿՆՈՉ ԱԿՈՒԼԵԱՅ ԱԼԱԾԱԼԵԱՆ՝ ԱՇԽԱՏՈՒԹԵԱՍԲ ԵՂԲՈՐՈՐԴՈՅ ՆՈՐԱ ՅՈԿՅԱԼԵԱՆՈՒ ԽԱԹՐԱՆԵԱՆ⁴³:

Ակուլինիայի հայրը՝ Պօղոս Խաթրանեանը, եղել է Նոր Նախիջեւանի քաղաքապետը 1818-1820 թթ.⁴⁴:

Եկեղեցու կառուցման ժամանակի մասին ազդարարում է Ս. Կարապետի խորանի բեմի ճակատին եղած մարմարէ յուշասալի հետեւեալ վիմագիրը.

(20.) ԵԿԵՂԵՑԻՍ ՍՐԲՈՅՆ ՅՈՅԱԼԵԱՆՈՒ ՄԿՐՏՉԻ ՀԻՄՆԵԱԼ Է Ի 1875 ԵՒ ՕԾԵԱԼ Ի 11 ՅՈՒՆԻՍԻ 1881 ԱՄԻ ԱՂՔԱՏԱՆՈՅԱԲ ԵՒ ՀՈԳԵՏԱՍԲ ՀԱՆԴԵՐՁ ԿԱՌՈՒՑԱԲ ԿՏԱԿԱԲԱՆՈՒԹԵԱՍԲ ԵՒ ՇԱԽՈՒՔ ԱԶՆՈՒԳԻ ԱԿՈՒԼԻՆԵԱՅ ԴՈՂՈՍԵԱՆ ԱԼԱԾԱԼԵԱՆՑ Ի ՀԱՆԳՍԱՐԱՆԻՍ ՀԱՅՈՑ ՆՈՐ ՆԱԽԻՉԵՒԱՆԱՅ⁴⁵:

21. Մահարձան՝ ծառի տեսքով, գալաքածեւ յուշապահանակին, 6 տող ուղևերէն.

42 «Դիւան», պր. VIII, էջ 150:
43 Նոյն տեղում:
44 Տե՛ս Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 454:
45 «Դիւան», պր. VIII, էջ 150:



АННА КАСПАРОВНА / КЕЧЕКЪ, / 1840 Г.- 1911 Г. / СТЕПАН СЕРГѢЕВИЧ / КЕЧЕКЪ, / 1831 Г.- 1884 Г.


Ենթադրելի է, որ Աննան ու Ստեփանն ամուսիններ են: Սրանք, անշուշտ, սերում են Քեչեկեաններից, որոնց ներկայացուցիչները յիշատակում են որպես բժիշկներ: Այսպես, 1915 թ. Փոքր Սալա գիւղից Մեծ Սալա աշխատելու է հրաւիրւում բժիշկուհի օրիորդ Քեչեկեանը⁴⁶: Նոյն թուականին վախճանւում է նոր Նախիջևանի թեմական դպրոցի բժիշկ Քեչեկեանը⁴⁷: Ինչպէս երեւում է, բժիշկ Քեչեկեանը մեծ հեղինակութիւն է վայելել աշակերտութեան շրջանում, քանի որ վերջիններիս կողմից 1906 թ. ընտրուել է որպէս նրանց շահերի պաշտպան⁴⁸ եւ ընդգրկուել դպրոցի վիճակն ուսումնասիրելու նպատակով քաղաքային խորհրդարանի վճռով յատուկ ստեղծուած յանձնաժողովի կազմում⁴⁹:

1911 թ. նոր Նախիջևանում հանդիսաւոր նշուել է 1886 թուականից քաղաքային բժիշկ աշխատած Ֆ. Քեչեկեանի 25-ամեայ գործունէութեան յրելեանը⁵⁰:

46 Տե՛ս Վ. Բարխուդարեան, Նոր Նախիջևանի հայկական գաղութի պատմութիւն (1861-1917 թթ.), էջ 59:
47 Տե՛ս Առյճ տեղում, էջ 216:
48 Տե՛ս Առյճ տեղում, էջ 244:
49 Տե՛ս Առյճ տեղում, էջ 283:
50 Տե՛ս Առյճ տեղում, էջ 173:

Այդ տոհմից Ա. Քեչեկեանը 1880-ական թթ. յիշատակում է որպէս Ռոստով-Նախիջևանեան միջավայրում նարոդովոլական գաղափարներով համակուած հայ երիտասարդութեան ներկայացուցիչ⁵¹:

22. Տապանաքար, գրանիտից, խաչի պատկերից ցած, 3 տող.



ՅՈՎՀԱՆՆԵՍ ԲԱՅԱՆԱՅ / ՍԱԹՈՒՆԵԱՆ, / 1829-1910:

Յայտնի պետական գործիչ, Հայաստանի առաջին հանրապետութեան վերջին վարչապետ, ծագումով մեծասրբիցի Ս. Վրացեանը 1918 թ. ՀՀ հռչակումից յետոյ խօսում է Սաթունեան տոհմից Նիկողայոս անունով մէկի մասին, որը «դաշնակցութիւնն էր ներկայացնում Կուբանի կառավարութեան եւ կամաւորական բանակի մօտ»⁵²:

23. Տապանաքար, գրանիտից, նախորդի նման, խաչի պատկերից ցած, 3 տող.


51 Տե՛ս Առյճ տեղում, էջ 225:
52 Ս. Վրացեան, Կեսանի ուղիներով, դէպքեր, դէմքեր, ապրումներ, Բու. Ե., Պէրոյթ, 2007, էջ 17:



ՆՈՐԱԷ ԵՐԺՅՈՒՅԻ / ՍԱԹՈՒՆԵԱՆ, / 1832-1912:


Երիցուհի պէտք է հասկանալ՝ երէցկին, քանի որ քրիստոնէական եկեղեցում չկայ կանանց քահանայութիւն: Ըստ այդմ՝ Նուէ էրիցուհին Յովհաննէս քահանայ Սաթունեանի կինն է:

24. Տապանաքար, գրանիտից, նախորդի նման, խաչի պատկերից ցած, երկլեզու, 8 տող.



ՄԱՐԻԱ ԱԿԻՄՈՎՆԱ / ԹՈՒՄԱՆԵԱՆ, / ՄԵԱՆ 1850 Բ. ԱՊՐԻԼԻ 20-ԻՆ, / ՎԱՂՃԱՆԵԱՆ 1891 Բ. ՅՈՒՆՈՒՄԸՐԻ 11-ԻՆ: ՄԱՐԻԱ ԱԿԻՄՈՎՆԱ / ԹՈՒՄԱՆՈՎԱ, / ՊՈԸ. 20 ԱՊՐ/ՄԻԱ 1850 Ե., / ՏԿՈՆԿ. 11 ԻՅՅԱՐԻ 1891 Ե.


25. Տապանաքար, գրանիտից, նախորդի նման, գրանից ոչ հեռու, խաչի պատկերից ցած, երկլեզու, 8 տող.



ԶԵՐՈՎԵ ԷՍՄԱՆՈՒԼԵԱՆ / ԹՈՒՄԱՆԵԱՆ, / ՄԵԱՆ 1884 Բ. ԳՈՎՏԵՄԲԵՐԻ 6-ԻՆ, / ՎԱՂՃԱՆԵԱՆ 1911 Բ. ՍԵՊՏԵՄԲԵՐԻ 3-ԻՆ: ԿԻՐԻՍՏԻ ԶՄԱՆՍԻԼՈՎԻՇԻՅ / ԹՈՒՄԱՆՈՎՅ, / ՊՈԸ. 6 ՕԿՏԵՐԻԱ 1884 Ե. / ՏԿՈՆԿ. 3 ՏԵՆՏԵՐԻԱ 1911 Ե.

Չի բացառւում, որ Քերովբէն լինի Մարիամ Յովակիմի Թումանեանի որդին: Հետաքրքրական է, որ Քերովբէ անունը ուսուցիչներում (Херувим) դարձել է ԿԻՐԻՍՏԻ=ԿԻՐԻՍՏԵՂ, որովհետեւ այդ լեզուում ընդունուած էր նման անձնանուն:

26. Տապանաքար, աւազաքարից, նախորդներից ոչ հեռու, ուսուցիչ, 3 տող.



ՄԱՐԻԱ ԻՅՅԱՆՈՎՆԱ / ԹՈՒՄԱՆՈՎԱ, / ՊՈԸ. 1859 Ե., ՏԿՈՆԿ. 2 ԴԵԿ. 1924 Ե.

Ուշադրութեան արժանի է փաստը, որ չի նշուած Մարիամի ծննդեան օրը, հետեւապէս այն յայտնի չի եղել:


27. Տապանաքար, գրանիտից, նախորդների նման, գրանից ոչ հեռու, խաչի պատկերից ցած, 5 տող.



Տ.ՍԱՀԱԿ ԶԱՀԱՆԱՅ / ՏԵՐ
ԽԱԶԱՏՐԵԱՆ / ՉԱՐԻՖԵԱՆՑ, / ԾՆԵԱԼ
1 ՅՈՒՆԿԱՐԻ 1870, / ՎԱԽՏԱՆԵԱԼ 6
ՅՈՒՆԻՍԻ 1902:

Վ. Բարխուդարեանը բաւականին ուշագրաւ տեղեկութիւն է յայտնում Տէր Սահակի հօր մասին. «1912 թ. քաղաքային խորհրդարանի դահլիճում, հանդիսաւոր պայմաններում նշուած է Ս. Լուսաւորչի աւագ քահանայ Խաչատուր Չարիֆեանի հոգեւոր ու հասարակական գործունէութեան 50-ամեակը»⁵³:

28. Տապանաքար, գրանիտից, նախորդի նման, գրանիտից ոչ հեռու, խաչի պատկերից ցած, 5 տող.




ԵՐԻՑՈՒՅԻ / ՏԻՐՈՒՅԻ ԿԱՌՎԱՌԵ ՏԵՐ
ԱԼԵՔՍԱՆԵԱՆ / ՉԱՐԻՖԵԱՆՑ, / ԾՆԵԱԼ
ՓԵՏՐՎԱՐԻՆ 1842, / ՎԱԽՏԱՆԵԱԼ 17
ՍԵՊՏԵՄԲԵՐԻ 1900:

53 Վ. Բարխուդարեան, Նոր Նախիջեւանի հայկական գաղութի պատմութիւն (1861-1917 թթ.), էջ 173:


Կարծում ենք, տիրուհի Վառվառէն մայրն է Տէր Սահակի. կինը Տէր Խաչատուրի:

29. Կոթողի պատուանդան, սիւնաձեւ, գրանիտէ, բնին՝ 14 տող.

ԱԼԵՔՍԱՆ ԿԱՐՅՈՒ ՅՈՒՆԱՅ
ՍԱՀԱԿ ԶԱՀԱՆԱՅ
ՉԱՐԻՖԵԱՆՑ
Մ. 1870 Վ. 1902



ԱԼԵՔՍԱՆ ԿԱՐՅՈՒ ՅՈՒՆԱՅ
ԿԱՆՔԻՍ ԵՐԱԳՐՆԱՐԿԵՅ
ԵՐԻՊԱՍՐԴ ԿԱՍԱԿՍ
ՍԱՆ ԳԵՐԵ ԶԱՆ ԴԵՅ



ԱԼԵՔՍԱՆ ԿԱՐՅՈՒ ՅՈՒՆԱՅ
ՍԱՀԱԿ ԶԱՀԱՆԱՅ
ՉԱՐԻՖԵԱՆՑ
Մ. 1870 Վ. 1902

ԱԼԵՔՍԱՆ ԿԱՐՅՈՒ ՅՈՒՆԱՅ / ՕՏԱՐ
ԵՐԿԻՐ ԻՆՁ ԶՅԵՑԻՐ, / ԺԼԱՏ ԱՆԳՈՒԹ
ԱԻԱԶԱԿԻ / ՍԱՀՈՒ ԳԼԴԱԿԻՆ
ՍԱՏԵՑԻՐ, (ըստ բնագրին) ՍԱՅԻՍԵԱՆ
ՎԱՐՁԱ ԹԱՌԱՍԵՑ, / ԿԵԱԼԵԻՍ ԵՐԱԳՐ
ՍԱՐՈՒԵՑ, / ԵՐԻՊԱՍՐԴ ԿԱՍԱԿՍ /
ՍԱՆ ԳԵՐԵ ԶԱՆ ԴԵՑ: / ԶԱՂՏՐ
ԾՆՈՂԵ, ԵՐԱՅՈՐԵ ԵՒ ԶՈՅՐ, / ՈՂ ՍԱՍԵ
ԲԱՐԵԱՒ ՅԱԻՏԵԱՆ, ԳԼԱՅ ԶԵՐ ՍՐՏԻՑ

ԱՆԲԱՂԴ / ՄԿՐՏԻՉ ԿԻՐԱԿՈՍԵԱՆՑ, /
ԾՆԵԱԼ 5. X. 1885, ՎԱԽՏԱՆԵԱԼ 18. XI.
1919, / ԱԼԵՔՍԱՆՏՐԱԴՈԼՑԻ:

Բաւականին հետաքրքրական արձանագրութիւն է: Չուտ վիճաբարագիտական տեսանկիւնից ուշադրութեան արժանի է փաստը, որ երկաթագիր բնագրում մի քանի տառեր (զ, ւ, ձ, ց, յ, հ, ղ, չ) գործածուել են բոլորգրերով:

34-ամեայ գիւմրեցի Մկրտիչ Կիրակոսեանը զոհուել է Ռուսաստանում քաղաքացիական կռիւների տարիներին (1918-1920), երբ երկրում խառնաշփոթ էր, որից ճարպկօրէն օգտուում էին գողերն ու աւազակները:

Միքայէլ Նալբանդեանի ժողովածուում կայ կոմս Էմմանուէլի օրագրական թերթերից մի յիշատակարան, որտեղ ասուում է. «Նախիջեւանը գտնուում է Դօն գետի աջակողմեան ափում, մի բաւական բարձր սարի վրայ, ափսոս որ քաղաքի շինուածքը չեն սկսանում իսկոյն գետի ափից, դրա հակառակ գետեզրից կէս վերստ ճանապարհ պիտոյ է կատարել մինչեւ քաղաքի սկիզբը: Պատմում են, թէ կամեցած էին սկզբումը գետի ափից սկսանել քաղաքաշինութիւնը, եւ որպէս թէ փորձ արած էին մի քանի մարդիկ բնակութիւն հաստատելու գետի մօտ, բայց աւազակներից երկիւղը ստիպել է նորանց հեռանալ այդ տեղից»⁵⁴:

Վ. Բարխուդարեանի հաւաստմամբ՝ «Դոն գետի անմարդաբնակ ձախափնեայ եղէգնուտներում յաճախ ապաստանում էին չարագործ անձնաւորութիւններ, ծածուկ յարձակում խաղաղ բնակիչների տների վրայ, կողոպտում նրանց, սպանութիւններ կատարում»⁵⁵:

54 Մ. Նալբանդեան, Երկերի լիակատար ժողովածու, հտ. I, Երեւան, 1945, էջ 346:

55 Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 90, տողատակ:

Ե. Շահագիրի մանրամասնմամբ՝ Դոն գետի «ձախակողմեան ափն այն ժամանակ շատ ընդարձակ տարածութեամբ բոլորովին անմարդաբնակ է եղել. նա իւր ամառայնութեամբ եւ եղէգնուտներով միշտ ապահով ապաստարան է եղել ամէն տեսակ արկածախնդիր մարդկանց համար: Չմեռը սառույցների վրայով, իսկ միւս ժամանակները նաւակներով նոքա միշտ հեշտութեամբ են կարողացել կատարել իւրեանց չարագործութիւնները գետափում ապրող խաղաղ հայերի տներում ու ծածուկ մնալ ոստիկանութեան հսկողութիւնից: Մի քանի այդպիսի դէպքերից եւ մանաւանդ մի դէպքից յետոյ, երբ մի ամբողջ ընտանիք առաւօտեան սպանուած են գտել իւրանց բնակարանում, բոլորի աչքը վախ է ընկել, փախչող փախչողի է եղել եւ գետ ափնեայ մասը բոլորովին դատարկուել է բնակիչներից»⁵⁶: Ե. Շահագիրի ասելով՝ քաղաքի գետափնեայ մասում տեղի էին ունենում բազմաթիւ աւազակութիւններ, յափշտակութիւններ, սպանութիւններ⁵⁷:

Չենք կարող ասել, թէ ինչ խաւի ներկայացուցիչ, ինչ զբաղմունքի տէր է եղել Մկրտիչ Կիրակոսեանը, սակայն այն հանգամանքը, որ նրա գրանիտէ մահարձանը բաւական թանկ պէտք է արժեցած լինէր, ենթադրելի է, որ նա հասարակութեան ունեւոր դասն է ներկայացրել, եւ աւազակի կողմից սպանուել է, պարզ է, կողոպուտի նպատակով:

30. Տապանաքար, գրանիտէ, խաչի պատկերից ներքեւ, 6 տող, վերջինը՝ ուսերէն.

56 Ե. Շահագիր, Պատմական պատկերներ, էջ 186:
57 Տե՛ս նոյն տեղում, էջ 185:

ԱՍՏ ԶԱՆԳՅԻ ՄԱՐՄԻՆ
ԹՄԲՈՒՎ ԳԻՒՂԱՑԻ
ԵՐԵՒԱՆԵԱՆ ԿԱԶՍԵ ԳԻ
ՂԱԶԱՐ ՔՕԶԱՐԵԱՆՑԻ
55 ԱՍԵԱՅ. ՎԱԽՃԱՆԵԱՆԷ 1911 ԹԻՒ ՄԱՐՏԻ 7-ԻՆ

ПАМЯТЬ ОТЪ ЖЕНЫ КИНОФІЯ
ԱՍՏ ԶԱՆԳՅԻ ՄԱՐՄԻՆ / ԹՄԲՈՒՆ
ԳԻՒՂԱՑԻ / ԵՐԵՒԱՆԵԱՆ ԿԱԶՍԵ /
ՂԱԶԱՐ ՔՕԶԱՐԵԱՆՑԻ / 55 ԱՍԵԱՅ,
ՎԱԽՃԱՆԵԱՆԷ 1911 ԹԻՒ ՄԱՐՏԻ 7-ԻՆ /
ПАМЯТЬ ОТЪ ЖЕНЫ КИНОФІЯ.


Թմբուլ գիւղը գտնուել է Երեւանի նահանգի Նախիջևանի գաւառում: Այն այժմ կոչւում է Թումբուլ, որը խորհրդային տարիներին ընդգրկուած է եղել Նախիջևանի ԻՂ Բաբեկի շրջանում⁵⁸: Այն ընկած է Նախիջևան քաղաքի հարաւարեւելեան ծայրամասում՝ Նախիջևան գետի ստորին հոսանքից աջ, բարձրադիր ափին: Այստեղի հայերը հմուտ բրուտներ էին, որոնց նախնիները եկել էին Պարսկաստանից՝ հիմնականում Սալմաստի շրջանի գիւղերից՝ 1829-1832 թթ.: Բնակիչների գերակշիռ մեծամասնութիւնը հայեր էին, իսկ 1970-ական թթ. կազմուած է եղել միայն թուրքերից⁵⁹: 2009 թ. Թումբուլը վարչականօրէն ներառուել է Նախիջևան քաղաքի տարածքային կազմի մէջ⁶⁰:

Հետաքրքրական է, որ այս վիճազիրը երկու հայկական Նախիջևանների միջեւ սերտ կապերի վկայութեան տպաւորութիւն է թողնում: Մինչդեռ Դոնի Նախիջևանի անունը ձգել է նաեւ Գողթնի նախիջևանցիներին:

Էլ աւելի հետաքրքրական է Ղազար Քոչարեանցի կնոջ անունը՝ Կինոֆիա, որն

այլուստ մեզ յայտնի է, եւ բառն էլ ստուգաբանուած է: Կարծում ենք՝ Կինոֆիա անունը յունական ծագում ունի եւ աւելի շատ յայտնի է Գինոֆիա տարբերակով: Այն բաղկացած է «գենոս» (ծին) եւ «ֆիա» արմատներից: Վերջինս կարող է նոյնանալ «φει»-ի հետ, որը «փերի»-ն է: Այդ դէպքում Գինոֆիա պէտք է հասկանալ փէրիից ծնուած:

31. Խաչ-մահարձան, շագանակագոյն գրանիտից, բարձրարուեստ, պատուանդանին, 5 տող.



ԵՐՉԱՆԿԱՅԻՇԱՍԱԿ / ԴԱՆԻԷ ԱՂԱ ՅՈՒՆԱՆԵԱՆ / ՍԱԼՄԱՍԵՑԻ / ՎԱԽՃ. 1903 Թ. ՓԵՏ. 5 / 56 ԱՍԱՑ:

32. Նոյն պատուանդանի հակառակ երեսին, ուսերէն, 3 տող.


58 Տե՛ս Թ. Յակոբեան, Ստ. Մելիք-Բախշեան, Յ. Բարսեղեան, Հայաստանի եւ յարակից շրջանների բառարան, հտ. 2, Երեւան, 1988, էջ 459:
59 Տե՛ս Աուլմ տեղում, էջ 496:
60 Տե՛ս https://ru.wikipedia.org/wiki/Бабекский_район.

ԾՆՈՂԻՄՑ ՊԱՐՍԿԱՍԱՆ / ԴԻ ՍԱԼՄԱՍՏ ՀԱՖՏՈՒՄԱՆ / ԳԻՒՂՈՒՄԸ 1857 Թ. / ՎԱԽՃԱՆՈՒԵՑԱՆ 1915 Թ. / ՄԱՅԻՍԻ 19-ԻՆ:

Յիշատակագրութիւնում նշուած է միայն պապի ծննդեան թիւը: Ենթադրելի է, որ պապ ու թոռ մահացել են նոյն ժամանակ, հաւանական է ինչ-որ պատահարից:

Ծննդավայրը Հաւթուան գիւղն է «Պարսկահայաստանի Սալմաստ - գաւառում, Դիլման գիւղաքաղաքից 3-4 կմ հարաւ, ընդարձակ հարթավայրում, շրջապատուած փարթամ այգիներով: Զուտ հայաբնակ էր: Սալմաստի ամենաբազմամարդ գիւղն էր, ... ունէր ... առաջին համաշխարհային պատերազմի նախօրէին 400 տուն՝ 2200 բնակչով. զբաղւում էին երկրագործութեամբ, այգեգործութեամբ, անասնապահութեամբ, արհեստներով: Շատերը գնում էին պանդխտութեան: Ունէր եկեղեցիներ (Ս. Թադէոս, Ս. Գեւորգ), 2 վարժարան, գրադարան, թատերասրահ: Եղել է գրչութեան կենտրոն: Այստեղից են գրող եւ մանկավարժ Սէյրին՝ Աւետիք Գուլոյեանը (1880-1920), հնագէտ, պատմաբան, վիճաբարդէտ Ս. Գ. Բարխուդարեանը (1898-1970), դերասան Մուրադ Կոստանեանը (1902-1970): Հաւթուանից տարբեր ժամանակներում հայերը գաղթել են Կովկաս: Ամենամեծը 1828-29 թթ. գաղթն էր, երբ վերաբնակուեցին Նախիջևանի պրովինցիայի տարածքում»⁶¹: Խօսքն այստեղ ի հարկէ բուն Նախիջևանի մասին է:


33. Կոթողի պատուանդան, շագանակագոյն գրանիտից, ընկած գետնին, 9 տող.



ДАНИЛЬ ИВАНОВИЧ / УНАНОВЬ / СКОНЧАЛСЯ 5 ФЕВРАЛЯ 1903 Г.

Ռուսերէն տարբերակում չի նշուած ննջեցեալի ծննդավայրը՝ Պարսկաստանի Սալմաստ գաւառը, իսկ հայերէն գրուածքում՝ հայրանունը՝ Իւան=Յովհաննէս: Դատելով աղա վկայակոչումից՝ Դանիէլ Յունանեանը թերեւս ներկայացրել է Նախիջևանահայութեան առեւտրական դասը, ենթադրելի է՝ խոշոր, ինչի առհաւատչեան նրա շքեղ կոթողն է:


33. Կոթողի պատուանդան, շագանակագոյն գրանիտից, ընկած գետնին, 9 տող.



ԴԱՍՏ ԶԼԱԳՉԻ ՇԻՐՄԸ / ...ԽԱՂՈՒՆ ԵՒ / ԹՈՈՒՆ ԼՈՒՄՐԴ / ԴԱՄԻՂԱՏՐԵԱՆՆԵՐԻ /

34. Քարակերտ յուշատախտակ՝ ամրացուած ծառ-յուշակոթողի բնին, 7 տող.

61 Տե՛ս Թ. Յակոբեան, Ստ. Մելիք-Բախշեան, Յ. Բարսեղեան, Հայաստանի եւ յարակից շրջանների բառարան, հտ. 2, էջ 378:




ՌՈՒԲԵՆ / ԱՆԷՔՍԱՆԵԱՆ / ՅՈՎՀԱՆՆԵԱՆՆԵՆ / ԾՆԱԻ 1888 Թ. / ՕԳՕՍՏՈՍԻ 15-ԻՆ. / ՎԱՂՃԱՆԵԱՆ 1920 Թ. / ԴԵԿՏԵՄԲԵՐԻ 4-ԻՆ:

Ռուբէն Անէքսանի Յովհաննիսեանը եղել է բրդի յայտնի վաճառական: Վ. Բարխուդարեանի հաւատմամբ՝ «Նոր Նախիջեւանում, երկրամասի գաւառների եւ միւս օկրուզների համեմատութեամբ, աւելի մեծ զարգացում էր ստացել մանր եղջերաւոր անասնապահութեան առաւել օգտաբեր ճիւղի՝ նրբամազ ոչխարաբուծութեան եւ բրդի մաքրման ու տեսակաւորման արտադրութիւնը»⁶²: Ի. Յովհաննիսեանը եւ բրդի առեւտրով զբաղուող խոշոր առեւտրականներն իրենց ապրանքներն արտահանում էին Անգլիա, Հոլանդիա, Բելգիա եւ այլ եւրոպական երկրներ⁶³:

35. Կոթողի պատուանդան, շազանակազոյն գրանիտից, արեւմտեան երեսին՝ երկկեզու, 6 տող.

62 Վ. Բարխուդարեան, Նոր Նախիջեւանի հայկական գաղութի պատմութիւն (1861-1917 թթ.), էջ 289:
63 Տե՛ս Առջ տեղում:



ՄԻՆԱ ՄԱԿԱՐԵԱՆ / ՅՈՎՀԱՆՆԻՍԵԱՆ, / ԾՆԱԻ 1861 ԱՄԻ, / ՎԱԽՃԱՆԵՅԱԻ 1911 ԱՄԻ:


МИРЬ ПРАХУ ТВОЕМУ / ДОРОГАЯ НЕЗАБВЕННАЯ МАТЬ.

36. Նոյն պատուանդանի հակառակ կողմին, ուռսերէն, 2 տող.

МИНА МАКАРОВНА
ОГАНЕСОВА

МИНА МАКАРОВНА / ОГАНЕСОВА.

37. Կոթողի պատուանդան, մուգ շազանակազոյն գրանիտից, 5 տող.



ԲԱԲԿԵՆ / ՄԻՔԱՅԵԼԵԱՆ / ՅՈՎՀԱՆՆԻՍԵԱՆ, ԾՆ. 1900, / ՎԱԽՃ. / 1911 Թ.:

64 Տե՛ս Առջ տեղում, էջ 346-347:

38. Քարակերտ յուշատախտակ՝ թեթուցեամբ ամրացուած ծառ-յուշակոթողի բնին, երկկեզու, 6 տող.




ՍԻՄԵՈՆ ԱՆԴՐԵԱՍԵԱՆ / ԹԻԹՐԵԱՆ / ԾՆԱԻ 12 ՓԵՏՐՈՒԴԻ, / ՎԱԽՃԱՆԱԻ 18 ՕԳՕՍՏՈՍԻ 1899, / СЕМЕНЬ АНДРЕЕВЪ / ТИТРОВЪ / 12 ФЕВР[АЛЯ] 1862-18 АВГ[УСТА] 1899.

Սիմէոն Թիթրեանի մահուան թուականի վերջին միաւոր թիւը հայերէն տարբերակում կոտորուած է եւ վերականգնուած է շնորհիւ ուռսերէն գրուածքի:

Սիմէոնի տոհմակից Կարապետ Թիթրեանը եղել է Նոր Նախիջեւանի գրամատիկական թատրոնի սիրող դերասան, որի բեմական գործունէութեան 25-ամեակը նշուել է 1904 թ.⁶⁴:

39. Տապանաքար, գորշ աւազաքարից, 4 տող.



ՎՈՍԿՈՐՆԵՐԻԴ / ԳԱԼՊՍՈՒԹԻՒՆ / ԱՍԱՏՈՒՐ ՄԿՐՏԻՉԻ, / 1875-1933:

Արձանագրութիւնը հին չէ, սակայն, հաշուի առնելով աւազաքարի փխրութիւնը, հետեւապէս՝ արձանագրութեան անհետացման հաւանականութիւնը, որոշեցինք

64 Տե՛ս Առջ տեղում, էջ 346-347:

այն ներառել սոյն աշխատանքում: Ուշադրութեան արժանի է փաստը, որ տապանագրութիւնում չի նշուած ննջեցեալի ազգանունը, ինչը ենթադրել է տալիս, որ նա յայտնի է եղել առաւել իր անուն-հայրանունով:

40. Տապանաքար՝ գրանիտէ, խաչապատկերից ներքեւ, կողք կողքի, 4-ական տող.

ՍԵՐՈՎԲԵ ՂԱԶԱՐՈՍԵԱՆ	ԴԺՏՈՒԴԻ ԱՆԴՐԵԱՍԵԱՆ
ԽՈՉԱՅԵԱՆ	ԽՈՉԱՅԵԱՆ
27 ՕԳՕՍՏ. 1843	26 ՆՈՅՏԵՄԲ. 1854
10 ՆՈՅՏԵՄԲ. 1879	16 ՅՈՒՆՎ. 1885

ՍԵՐՈՎԲԵ ՂԱԶԱՐՈՍԵԱՆ / ԽՈՉԱՅԵԱՆ, / 27 ՕԳՕՍՏՈՍԻ 1843, / 10 ՆՈՅՏԵՄԲԵՐԻ 1879:

ԴԺՏՈՒԴԻ ԱՆԴՐԵԱՍԵԱՆ / ԽՈՉԱՅԵԱՆ, / 26 ՆՈՅՏԵՄԲԵՐԻ 1854, / 16 ՅՈՒՆՎԱՐԻ 1885:

Սերովբէ եւ Դշխուհի Խօջայեանները թերեւս ամուսիններ են:


Խօջայեանները եղել են խոշոր առեւտրականներ, զբաղուել են ձկնկիթի վաճառքով եւ կարեւոր դեր կատարել Նոր Նախիջեւանի գաղթօջախի կեանքում⁶⁵:

Այդ տոհմից Գաբրիէլ Խօջայեանը, որպէս քաղաքագլուխ, ղեկավարել է Նոր Նախիջեւանը 1836-1838 թթ.⁶⁶:

Վ. Բարխուդարեանի բացայայտմամբ այդ դերաստանի ներկայացուցիչ Ս. Խօջայեանը 1907 թ. 90 հազար ուրբի գումար է կտակել Նոր Նախիջեւանի Սուրբ Խաչ վանքում նախատեսուելիք երկամեայ երկրագործական դպրոցի բացման համար⁶⁷:


65 Տե՛ս Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 288, 374:
66 Տե՛ս Առջ տեղում, էջ 454:
67 Տե՛ս Առջ տեղում, էջ 289:

41. Յուշակոթող, արեւմտեան երեսին 4, պատուանդանին՝ 3 (Հայերէն), արեւելեահայեաց կողմին՝ 7 տող (ռուսերէն)։



ԱՄՏ ԶՆԱԳՉԻ ՄԱՐՄԻՆ / ՏՈՅԱԼԱԿԱՆ ԴԱՏԱՌԱԿՈՐ ԶԱՂԱՔԱՅԻ / ՅՈՎԻՅԱՆՆԵԱՍԻ ՏԵՐ-ՅՈՎԻՅԱԿԻՍԵԱՆ / ՏԵՐ-ՓԱՆՈՍԵԱՆԻ։
ԾԱԵԱԼ Է՝ 1868 ԱՄԻ ՄԱՐՏԻ 5-Ի, † ՎԱԽՃԱԼԵԱԼ Է՝ 1911 ԱՄԻ ԱՊՐԻԼԻ 20-ԻՆ։ / ԶԱՆԳԻՍ ՈՍԿԵՐԱՅԻ։

42. Արեւելահայեաց կողմին։



ЗДѢСЬ ПОКОИТСЯ ТѢЛО / БЕЗВРЕМЕННО СКОНЧАВШАГОСЯ / ПОТОМСТВ[ЕНН]ОГО ПОЧ[ЕТНО]ГО ГРАЖД[АНИНА] / ИВАНА АКИМОВИЧА / ТЕРЬ-ПАНОСОВА / РОД[ИЛ]СЯ В[] 1868 Г. 5[-ОГО] МАРТА, † [СКОНЧАЛ]СЯ В[] 1911 Г. 20[-ОГО] АПРѢЛЯ. / МИРЪ И ВЪЧНЫЙ ПОКОЙ ПРАХУ ТВОЕМУ.

Բաւականին Հետաքրքրական ու բազմաբովանդակ արձանագրութիւն է։ Պատուաւոր քաղաքացու կոչման Համակարգը Ռուսաստանում գործել է 1785-1917 թթ.։ Այն լինում էր երկու տեսակի՝ անհատական

ու տոհմական։ Տրոււմ էր ոչ ազնուականական ծագում ունեցող անձանց՝ պետութեանը մատուցած որոշակի ծառայութիւնների եւ կրթական բարձր ցենզի դէպքում։ Տարբեր ժամանակներում պատուաւոր քաղաքացու կոչման արժանացել են խոշոր առեւտրականներ, զինականներ, նկարիչներ, կայսերական թատրոնի բարձրակարգ դերասաններ, բժիշկներ, Մոսկուայի Լազարեան Համալսարանի շրջանաւարտներ, Սանկտ Պետերբուրգի տեխնիկական բուհի առաջնակարգ ճարտարագէտներ։ Տոհմական պատուաւոր քաղաքացու կոչման դէպքում, ինչպէս սոյն արձանագրութիւնում Յովհաննէս Տէր-Փանոսեանն է, պետութեան կողմից սահմանուած որոշակի արտոնութիւններից օգուտում էին ոչ միայն դրան արժանացած անձը, այլեւ նրա ընտանիքի անդամները⁶⁸։

Ուշագրաւ է, որ թէ՛ Հայերէն, թէ՛ ռուսերէն տարբերակներում «վախճանեալ»՝ СКОНЧАЛСЯ բառի փոխարէն դրուել է խաչի նշան՝ †, որի ներքոյ Հասկացուած է առ ՔՍ, այսինքն՝ Աստուծոյ արքայութիւն տեղափոխուած Հանգուցեալ։


Ուշադրութեան արժանի է փաստը, որ Հայերէն տարբերակում չկայ անժամանակ վախճանուած արտայայտութիւնը, ինչն առկայ է ռուսերէնում՝ безвременно скончавшагося, որը միանգամայն տեղին է 43 տարեկան Հասակում կեանքից Հեռացածի Համար։

Տէր-Փանոսեանները եղել են քահանայական տոհմ։ Պօղոս Փանոսեանը ժԹ. դ. կէսին Նոր Նախիջեւանի եւ Բեսարաբիայի թեմակալ առաջնորդ Մատթէոս արքեպիսկոպոս Վեհապետեանի կողմից նշանակուել է Ն. Նախիջեւանի Հոգեւոր կառավարութեան անդամ⁶⁹։ Քահանայական

68 St'u forum. vgd. ru/132/8585:
69 Տե՛ս Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 384:

ձեռնադրութիւն է ունեցել նաեւ մեր Հանգուցեալ Յովհաննէսի Հայրը, քանի որ նա յիշատակուած է «Տէր» յարգական բառով՝ Տէր Յովակիմ։ Իսկ, ահա, Յովհաննէսը չի կրում այդ յարգական մակդիրը, ինչը նշանակում է, որ նա Հոգեւորական չի եղել։ Արձանագրութիւնում չի վկայուում նրա զբաղմունքը, բայց առաւել Հաւանական ենք Համարում նրա մտաւորական եղած լինելը. գուցէ աւարտել է Արեւելեան լեզուների Լազարեան Համալսարանը։

43. Տապանաքար, գրանիտէ, խաչաքանդակից ներքեւ, երկլիզու, Հայերէն՝ 3, ռուսերէն՝ 4 տող։



ԲԺԻՇԿ-ՈՒՄԱՆՈՐ / ԼՈՒՍԵՂԵՆ ԼՈՒՍԵՂԵՆԵԱՆ / ՄԱԼԱՅԵԱՆ։
СТУДЕНТЪ / Л. Л. МАЛАЕВЪ / 6 ОКТЯБРЯ 1875 Г. / 13 ОКТЯБРЯ 1900 Г.

Հետաքրքրական է, որ Հայերէն ու ռուսերէն տարբերակները լրացնում են մէկը միւսին։ Այսպէս՝ առաջինում չկան ննջեցեալի ծննդեան եւ մահուան թուականների տուեալները, երկրորդում՝ նրա ապագայ մասնագիտութիւնը, անունը, Հայրանունը։ Վ. Բարխուդարեանի մէջբերմամբ՝ «Բժշկութիւնը» գրում է Մ. Նալբանդեանը, շատ տխուր բաներ ունի պատմելու այդ քաղաքի մասին։ Ինչպէս Ասիայի ազգերի մէջ, նոյնպէս եւ Նախիջեւանի մէջ, բժշկութիւնը մինչեւ այժմ չէ ստացել իւր արժանաւոր յարգը եւ կշիռը ժողովրդի աչքում։ Մի Հիւանդ մարդ շուտով կը յօժարի մի խաբեբայի, մի պառաւի, կամ մի տգէտ վարսավիրայի (բերբերի)

ձեռքից ընդունել այնպիսի ճարեր, որ մահադեղ էին եւ ամենեւին կորոտաբեր քան թէ օրինաւոր բժշկի Հիմնաւոր եւ խելացի առողջարար դեղերը⁷⁰։ Վ. Բարխուդարեանի վստահեցմամբ՝ միայն 1862 թ. է Նախիջեւանի օկրուգում նշանակուած յատուկ բժիշկ⁷¹։

Համեմատութեան կարգով զուգահեռաբար նշենք, որ այդ ժամանակներում թիֆլիսում յայտնի էր դառնում Մալայեանների (Մալաեւների) ակնբուժական տոհմը։

44. Յուշակոթող, սեւ մարմարեայ, արեւմտեան երեսին՝ 7 տող։



ՅԱՐՈՒԹԻՒՆ ԳԱՍՊԱՐԵԱՆ / ԿԱՐԱՊԵՏ-ՕՐԼՈՒԵԱՆ / ԾՆԵԱԼ / Ի 24 ՅՈՒՆԻՍԻ 1864 ԱՄԻ / ՎԱԽՃԱԼԵԱԼ / Ի 30 ՆՈՅՄԲԵՐԻ 1888 ԱՄԻ / ՆՈՐ-ՆԱԽԻՋԵԱՆ⁷²։

45. Նոյնը ռուսերէն արեւելահայեաց կողմին՝ 7 տող։

70 Նոյն տեղում, էջ 96: Մ. Նալբանդեան, Երկերի յիսկատար ժողովածոյ, հտ. 1, էջ 349-350:
71 Տե՛ս Վ. Բարխուդարեան, Նոր Նախիջեւանի հայկական գաղութի պատմութիւն (1779-1861 թթ.), էջ 97:
72 «Դիւան», պր. VIII, էջ 151:


АРУТЮНЪ КАСПАРОВИЧЪ
КАРАПЕТЬ-ОГЛУЕВЪ
ОНЪ ЖЕ
ЧЕРКЕСЪ

РОДИЛСЯ: 24 ЮНЯ 1864
СКОНЧАЛСЯ: 30 НОЯБРЯ 1888
ВЪ НАХИЧЕВАНЪ Н.

АРУТЮНЪ КАСПАРОВИЧЪ / КАРАПЕТЬ-
ОГЛУЕВЪ / ОНЪ ЖЕ / ЧЕРКЕСОВЪ /
РОДИЛСЯ: 24 ЮНЯ 1864 ГОДА /
СКОНЧАЛСЯ: 30 НОЯБРЯ 1888 ГОДА /
ВЪ НАХИЧЕВАНЪ НА ДОНУ.

Ռուսերէն մակագրութեան աջ հատուածում քսուած է երկնագոյն ներկ, որով մասամբ ծածկուած են Յարութիւնի ծննդեան ու մահուան թուականները: Ռուսերէն տարբերակից նաեւ իմանում ենք, որ Յարութիւն Կարապետ-Օղլույեանը կրել է երկրորդ ազգանուն՝ Չերկեսով: Այդ ազգանունն գործածութիւնը Հայերէն Չերքեզեան տարբերակով տեսնում ենք յաջորդ վիմագրում:

46. Յուշակոթող, սեւ մարմարեայ, նախորդի նման, ընկած գետնին, 8 տող.



(ԳԱՍՊԱՐ ՅԱՐՈՒԹԻԻԼԵԱՆ / ԿԱՐԱՊԵՏ-
ՕՂՈՒԵԱՆ / ԴԵՂԵԶԵԱՆ / ԾՆԵԱՆ / 17
ՕԳՈՍՏՈՍԻ 1825 ԱՄԻ / ԿԱԽՃԱՆԵԱՆ /
11 ՅՈՒՆԻԱՐԻ 1906-Ի / ՆՈՐ-
ՆԱԽԻՉԵԻԱՆ⁷³:

73 Նոյն տեղում:

Գասպար Կարապետ-Օղլույեան Չերքեզեանը հայրն է նախորդ արձանագրութիւնում յիշատակուող Յարութիւնի: Վերջինս, ինչպէս տեսնում ենք, անուանակոչուել է ի յիշատակ իր պապի:

Գ. Գրիգորեանի վստահեցմամբ՝ հակառակ երեսին՝ արեւելեանին, եղել է նոյնաբովանդակ ռուսերէն արձանագրութիւն⁷⁴:

47. Յուշակոթող, սեւ մարմարեայ, նախորդի նման, ընկած գետնին, 7 տող.

АННА ПЕТРОВНА / КАРАПЕТЬ-ОГЛУЕВА
/ ЧЕРКЕСОВА /.../ РОДИЛАСЬ: 1 МАЯ
1830 Г./ СКОНЧАЛАСЬ 12 АПРѢЛЯ
1875 Г / ВЪ НАХИЧЕВАНЪ НА ДОНУ.

Գ. Գրիգորեանը հրատարակել է հայերէն տարբերակը, որը փորագրուած է արեւմտեան երեսին.

48. ԱՆՆԱ ՊԵՏՐՈՍԵԱՆ / ԿԱՐԱՊԵՏ-
ՕՂՈՒԵԱՆ / ԾՆԵԱՆ Ի 1 ՍԱՅԻՍԻ 1830
ԱՄԻ / ԿԱԽՃԱՆԵԱՆ / Ի 12 ԱՊՐԻԼԻ 1875
ԱՄԻ / ՆՈՐ ՆԱԽԻՉԵԻԱՆ⁷⁵:

Գասպար ու Աննա Կարապետ-Օղլույեան Չերքեզեանները թերեւս ամուսիններ են, Յարութիւնը՝ նրանց որդին:

49. Տապանաքար, գորշաւուն, խաչապատկերից ներքեւ՝ 4 տող.



74 Տե՛ս նոյն տեղում, էջ 150:

75 Նոյն տեղում:

ՏԵՐ ԹՈՎԱՍԱ / ԱԽԳ ԶԱՀԱՆԱՅ /
ԳԱՆՁԱՊԵՏԵԱՆ / 1813 + 1886:

ԺԹ. դ. կէսերին Թովմաս քահանայ Գանձապետեանը եղել է Նոր Նախիջևանի հոգեւոր կառավարութեան անդամ⁷⁶:

50. Տապանաքար, սպիտակ մարմարից, 4 տող.


ՅԱՆԳԻՐ ԽԱՂԱՂՈՒԹԵԱՍԲ
ՄԿՐՏԻՉ ԿԱՐԱՊԵՏԵԱՆ

ՊՈՊՈՎ
1858 15/1 - 15/VII 1900

ՀԱՆԳԻՐ ԽԱՂԱՂՈՒԹԵԱՍԲ / ՄԿՐՏԻՉ
ԿԱՐԱՊԵՏԵԱՆ / ՊՈՊՈՎ / 1858 15, I - 15,
VII 1900:

Ննջեցեալի հայրը՝ Կարապետ Պոպովը, ԺԹ. դ. կէսերին եղել է ծխախոտի արտադրութեամբ եւ առեւտրով զբաղուող վաճառական⁷⁷:

51. Կոթողի պատուանդան, կարմրաւուն գրանիտից, ընկած գետնին, եղծուած, 5 տող.



ԱՍՏ ՀԱՆԳՉԻ ՍԱՐՄԻՆ / ՅՈՎԱԿԻՄ
ԽԱՉԱՏՈՒՐԵԱՆ / ԲԱԲԱՍԻՆԵԱՆՑԻ /
ԾՆԵԱՆ 1844 ԱՄԻ, 8-Ն ՕԳՈՍՏՈՍԻ /
ՎԱԽՃ. 1918 ԱՄԻ, 26-Ն ՍԱՐՏԻ:

Վ. Բարխուդարեանը յղում է այս տոհմի մի ներկայացուցչի՝ Բաբասինով Նլէյ Պետրովիչ, որը ԺԹ. դ. կէսերին զբաղուել է ձկնկիթի բաւականին եկամտաբեր միջազգային առեւտրով⁷⁸:

76 Տե՛ս Վ. Բարխուդարեան, Նոր Նախիջևանի հայկական գաղութի պատմութիւն (1779-1861 թթ.), էջ 384:

77 Տե՛ս նոյն տեղում, էջ 273:

78 Տե՛ս նոյն տեղում, էջ 288: